捣藻堂四庫全書

音薈

要

史部

欽定四庫全書管要通志卷一百九十八

詳校官員外部臣楊世倫



欽定四庫 k <u>ج</u> و 扶南 樂樂 **管要卷九千一百十六史部** 功 èß 謎 鄭 毗騫 真臘 椎 干陀 漁 羅刹 仲 利 狼 撰 习

饗其質政不施馬則君子不臣其人吾何以獲此賜也 周 故重譯而朝成王以歸周公公曰德不加馬則君子 三泉重譯而獻白雉口道路悠遠山川阻深音使不 五嶺之南漲海之北三代以前是為荒服當周成王時 公居攝六年制禮作樂天下和平南荒有越裳國 嶺南序畧 丹丹 論 杜薄 薄剌 敦焚

金

灾匹 厚全 書

卷一百九十八

武帝元馬五年遂滅之以其地為儋耳珠崖南海蒼 南海桂林泉郡漢與尉作自立為南男王傳國五世至 楚子稱霸朝貢百粤秦并天下威服蠻夷始開衛外置 其使請曰吾受命吾國之黃者曰久矣天之無烈風雷 王稱先王之神致以薦于宗廟周德既衰於是稍絕 雨意者中國有聖人乎有則盖往朝之周公乃歸之 交趾者禮稱南方曰蠻雕題交趾是也刻其 林合浦交趾九真日南九郡置刺史治交趾郡

重上

帥貴長耳皆穿而絕之垂肩三寸武帝末珠崖太守 之交趾之西有吸人國生首子軟 致定四庫全書 题 智力 珠崖儋耳二 屋儋耳二郡在海洲上東西干里南北五百里其其關嚴破之以 飲酒以人掌此為珍異以食老此之利得人食之不食其时質並以其內為着祖又許人實然萬震南州異物志曰鳥滸在廣州之南古則以遺其君君喜而賞其父取妻美則讓其口 人實然 -善人還復破之自領郡事討擊餘黨連年乃平 廣幅布獻之蠻不堪役遂及郡殺幸幸子 解而食之謂之宜弟 讓其

著之後頗徙中國罪人使雜居其間乃稍知言語 通人如禽獸長幼無別項髻徒既項上也以布貫耳而 稼制為冠復初設媒聘始知姻娶建立學校導之禮義 支國來獻犀牛凡交趾所統雖置郡縣而言語重譯 其珍縣漸相侵侮故率歲一反元帝初元三年遂罷之 凡立郡六十五歲逮王莽輔政元始二年日南之南黃 化光武中與錫光為交趾任延守九真於是教其 以豹為珠崖太守威政大行獻命歲至然中國貪

通志

趾具車船修道橋通障谿儲糧穀十八年遣伏波將軍 索妻甚雄勇交趾太守蘇定以法繩之側念故反於是 側者產冷縣維將之女也處音其支嫁為朱高馬人詩 白兔至十六年交趾女子徵側及其妹徵貳反攻郡 建武十二年九真徽外靈里張游生蜜之別既率種 九真日南合浦蜜里皆應之凡各六十五城自立為王 化內屬封為歸漢里君明年南粤像外蜜夷獻 趾刺史及諸太守僅得自守光武乃詔長沙合浦交 白 徴

卷一百九十八

討 夏 進擊九真賊都陽等破降之徒其渠帥三百餘口於 史以防其患安帝永初元年九真徼外夜郎靈夷舉 於是嶺表悉平肅宗元和元年日南徼外臺夷究 之明年夏四月接破交趾斬徵側徵貳等餘皆降散 縣發兵討擊斬其渠帥餘衆乃降於是置象林 四月日南象林靈夷二千餘人寇掠百姓燔燒官寺 援樓船將軍段志發長沙桂陽零陵蒼梧兵萬餘 號也 邑豪獻生犀白雉和帝永元十二事人蜜

田田村山山

二郡兵萬餘人救之兵士憚遠役遂反攻其府二郡 真像外靈貢獻內屬三年日南後外靈復來內屬順帝 遣侍御史任連 攻象林縣燒城寺殺長史交趾刺史樊演發交趾九 永建六年日南徼外葉調王便遣使貢獻帝賜調 印紫綬永和三年日南象林徼外靈夷區憐等數千人 土内屬開境千八百四十里元初二年蒼梧蠻夷反叛 年遂招誘鬱林合浦靈漢數千人攻蒼梧郡鄧太后 草章奉詔赦之賊皆降散延光元年九 便

卷一百九十八

無有還期詔書迫促必致叛亡其不可二也南州水土 武陵南郡蠻夷未輯長沙桂陽數被徵發如復擾 固駁日若荆揚無事發之可也今二州城盗盤結不散 以為憂明年召公卿百官及四府掾屬問其方界皆議 州郡并力討之不利遂為所攻圍歲餘而兵穀不繼帝 更生患其不可一也又充豫之人卒被徴發遠赴萬里 人將發荆揚充豫四萬人赴之大將軍從事中郎李

擊破反者而賊勢轉盛會侍御史賈昌使在日南即

衆既不足禦敵當復更發此為刻割心腹以補四支其 三十里為程而去日南九千餘里三百日乃到計人東 萬里士卒疲勞比至嶺南不復堪關其不可四也軍行 温暑加有瘴氣致死亡者十必四五其不可三也遠涉 不可六也九真日南相去千里發其吏民猶尚不堪況 定四庫全書 甲自致費便若此其不可五也設軍到所在死亡 日五升也用米六十萬斛不計將更驢馬之食但古升小故用米六十萬斛不計將更驢馬之食但 卷一百九十八

乃苦四州之卒以赴萬里之艱哉其不可七也前中郎

賞故并州刺史長沙祝良性多勇決又南陽張喬前在 依交趾事靜之後乃命歸本還募蠻夷使自相攻轉輸 金帛以為其資有能反間致頭首者許以封侯列土

|南兵單無穀守既不足戰又不能可一切徒其吏民北 界仁惠任將帥者以為刺史太守悉使共住交趾今日 寇虜此發將無益之效州郡可任之驗也宜更選有勇 就徵還以兵付刺史張喬喬因其將更旬月之間破殄

尹就討益州叛羌益州訪日屬來尚可尹來殺我後

AND IN 19 THE CO LIN

通志

益州有破屬之功皆可任用昔太宗就加魏尚為雲中 守哀帝即拜龔舍為太山太守宜即拜良等便道之官

設方畧招以威信降者數萬人皆為良築起府寺由是 史喬至開示慰誘並皆降散良到九真單車入賊中施 四府悉從固議即拜祝良為九真太守張喬為交趾刺

扇外復平建康元年日南臺夷千餘人復攻燒縣邑遂 扇動九真與相連結交趾刺史九江夏方開恩招誘賊

皆降服時梁太后臨朝美方之功遷為桂陽太守桓帝!

置七縣喜平二年冬十二月日南徼外國重譯貢獻光 喜三年韶復拜夏方為交趾刺史方威惠素著日南宿 守谷永以思信招降鳥游人十餘萬內屬皆受冠帶開 賊聞之二萬餘人相率請方降靈帝建寧三年鬱林太 魏朗討破之斬首二千級渠帥屯據日南衆轉彊盛延 攻殺縣命衆至四五千人進攻九真九真太守兒式戰 · 語賜錢六十萬拜子二人為郎遣九真都尉

永壽三年居風令貪暴無度縣人朱達等及靈夷相聚

桂林南海象郡以適徒民與粵雜處十三歲至二世時 南粤王趙佗真定人也何及秦并天下客定揚男置 和元年交趾合浦烏滸蜜反叛招誘九真日南合數萬 南海尉任囂病且死召龍川令趙作語曰聞陳勝等作 復來貢獻自是以後或臣或畔壤地廣遠竟難馴服馬 人攻沒那縣四年刺史朱儁擊破之六年日南徼外國 鱼定四库全書 亂豪傑叛秦相立南海辟遠恐盜兵侵此吾欲興兵絕 南粤 卷一百九十八

定天下為中國勞苦故釋作不誅十一年遣陸賈立他 絕道聚兵自守因稍以法誅秦所置吏以其黨為守假 事為死他即移檄告橫浦陽山湟谿關曰盜兵且至急 中長更無足與謀者故召公告之即被佗書行南海尉 新道自備待諸侯變會疾甚且番禺負山險阻南北東 秦已滅佗即擊并桂林象郡自立為南學武王高帝已 西數千里頗有中國人相輔此亦一州之主可為國郡

為南粤王與剖符通使使和輯百專母為南邊害與長

次 E 习 事 & Also

粤西甌縣役屬馬東西萬餘里通東黃屋左纛稱制 將軍隆慮侯電擊之 屬音 會暑濕士卒大疫兵不能 瑜嶺歲餘高后崩即罷兵他因此以兵威財物路遺閩 沙王計欲倚中國擊滅南海并王之自為功也於是作 沙接境高后時有司請禁學關市鐵器作曰高皇帝立 乃自尊號為南武帝發兵攻長沙邊敗數縣馬高后遣 我通使物今高后聽讒臣别異靈夷隔絕器物此必長 國侔文帝元年初鎮撫天下使告諸侯四夷從代來 卷一百九十八

未嘗致書高皇帝棄羣臣孝惠皇帝即世高后自臨事 皇帝側室之子棄外奉北藩于代道理遼遠難嚴樸愚 不幸有疾日進不衰以故詩暴乎治諸日為變故亂法 為副使賜代書曰皇帝謹問南粤王甚若心勞意朕高 平言陸賈先帝時使男上召賈為太中大夫謁者一人 祀召其從昆弟尊官厚賜寵之詔丞相平舉可使身者 不能獨制廻取他姓子為孝惠皇帝嗣賴宗廟之靈功

即位意諭盛德馬延為作親冢在真定置守邑歲時奉

多殺士卒傷良將吏寡人之妻孤人之子獨人父母得 金 定四庫全書 遣人存問脩治先人冢前日聞王發兵於邊為寇災不 一亡十朕不忍為也朕欲定地犬牙相入者以問吏吏 止當其時長沙苦之南郡尤甚雖王之國庸獨利乎必 臣之力誅之已畢朕以王侯吏不釋之故不得不立今 將軍朕以王書罷將軍博陽侯親昆弟在真定者已 位乃者聞王遺將軍隆慮侯書求親昆弟請罷長沙 卷一百九十八

日高皇帝所以介長沙土也朕不得擅變馬吏曰得王

之地不足以為大得王之財不足以為富服嶺以南王 其道是爭也爭而不讓仁者不為也願與王分棄前患 自治之雖然王之號為帝兩帝並立亡一乗之使以通 母為寇災矣上褚五十衣中褚三十衣下褚二十衣遺 終今以來通使如故故使買馳諭告王朕意王亦受之 願奉明韶長為藩臣奉貢職於是下令國中曰吾聞 衣日猪願王聽樂好憂存問鄰國陸賈至他恐頓首

己日華公書

雄不俱立兩賢不並世漢皇帝賢天子自今以來去

過皆不反又風聞老夫父母墳墓已壞削兄弟宗族已 帝制黃屋左纛因為書稱蠻夷大長老夫臣作昧死再 不脩有死罪使內史藩中尉萬御史平凡三輩上書謝 即子予牡母予牝老夫處辟馬牛羊齒已長自以祭祀 臣别異蜜夷出令日母子靈夷外身金鐵田器馬牛羊 忍絕所以賜老夫者甚厚高后自臨用事近細士信薨 以為南粤王使為外臣時內貢職孝惠皇帝即位義不 拜上書皇帝陛下老夫故粤吏也高皇帝幸賜臣佗聖

故更號為帝自帝其國非敢有害於天下也高皇后聞 萬有餘然北面而臣事漢何也不敢肯先人之故老夫 北有長沙其半蠻夷亦稱王老夫故敢妄竊帝號聊以 臣故敢發兵以伐其邊且南方果濕靈夷中西有西甌 之大怒削去南粤之籍使使不通老夫竊疑長沙王讒 自好老夫身定百邑之地東西南北蓋數千里帶甲百 其衆半贏南面稱王東有閩粤其衆數千人亦稱王西

次 包 日 車 全 書一

誅論吏相與議曰今內不得振於漢外又亡以自高異

翠四十雙孔雀二雙昧死再拜以聞皇帝陛下陸賈眾 鳥犀角十紫貝五百桂蠹一器 處專四十九年于今抱孫馬然夙與夜寐狼不安席食 報文帝大忧遂至孝景時稱臣遣使入朝請請力然 居國竊如故號其使天子稱王朝命如諸侯至武帝建 不腐改號不敢為帝矣謹北面因使者獻白壁一雙翠 事漢也今陛下幸哀憐復故號通使漢如故老夫死骨 不甘味目不視靡曼之色耳不聽鐘鼓之音者以不得 舊常以 萬陵 扇蠹柱樹 中蝎 蟲

胡方日夜裝入見天子助去後其大臣諫胡曰漢與兵 報德遣太子嬰齊入宿衛謂助日國新被寇使者行矣 往諭意南專王胡頓首曰天子乃與兵誅閩專死亡以 擊今東粵擅與兵侵臣臣不敢與兵唯天子詔之於是 未踰續學王弟餘善殺郢以降於是罷兵天子使嚴助 其邊邑粤使人上書曰兩身俱為藩臣母擅與兵相 天子多南粤義守職約為與師遣兩將軍往討閩學兵 元四年代孫胡為南粤王立三年閩粤王野與兵南擊

灾足可事 全·

請歸胡薨諡曰文王嬰齊嗣立即藏其先武帝文帝璽 於是胡稱病竟不入見後十餘載胡實病甚太子嬰齊 誅郢亦行以驚動南粤且先王言事天子期母失禮要 之不可以外好語入見入見則不得復歸亡國之勢也 卷一百九十八

嬰齊在長安時取邯鄲揚氏女 縣音居生子與及即位

上書請立抄氏女為后與為嗣漢數使使者風諭嬰齊

尚樂擅殺生自恣懼入見要以用漢法比內諸侯固

病遂不入見遣子次公入宿衛嬰齊売諡為明王太

安國少季輸王王太后入朝令辯士諫大夫終軍等宣 陵人安國少季通好安 其辭勇士魏臣等輔其決衛尉路博德將兵屯桂陽待 與嗣立其母為太后太后自未為嬰齊妻時常與雷 季及嬰齊薨後元門四年漢使

使者王年少太后中國人安國少季往復與私通國人

知之多不附太后太后恐亂起亦欲倚漢成勸王

盡嫁王子弟宗室及蒼梧秦王有連其居國中甚重勢 太傅印餘得自置除其故黥劓刑用漢法諸使者留鎮 矣相三王宗族官貴為長吏七十餘人男盡尚王女女 撫之王王太后飭治行裝重資為入朝具相吕嘉年長 定四庫全書]

人信之多為耳目者得眾心愈於王王之上書數諫止

王王不聽有畔心數稱病不見漢使者使者注意嘉勢

嘉等置酒請使者大臣皆侍坐飲嘉弟為將將卒居宫

未能誅王王太后亦恐嘉等先事發欲介使者權謀誅

力 素亡意誅嘉嘉知之以故數月不發太后獨欲誅嘉等 出介弟兵就舍稱病不肯見王及使者乃陰謀作亂 非是即趙出太后怒欲雖嘉以矛鐵音王止太后嘉遂 往参曰以好往數人足矣以武往二千人亡足以為也 附漢獨日嘉為亂不足以與兵欲使莊参以二千 又不能天子聞之罪使者怯亡決又以為王王太后 酒行太后謂嘉南男內屬國之利而相君苦不便 也以激怒使者使者狐疑相杖遂不敢發嘉見耳

盡殺漢使者遣人告營梧秦王及其諸郡縣立明王長 趙氏社稷為萬世處之意乃與其弟將卒攻殺太后王 媚多從人行至長安屬賣以為僮奴自脫一時利亡 人又與使者亂專欲內屬又持先王寶入獻天子以自 往入粤境日嘉乃遂反下令國中日王年少太后中國 解不可天子罷參兵郊壯士故濟北相韓千秋奮曰以 區區學又有王應獨日嘉為害願得勇士三百人必 以報於是天子遣千秋與王太后弟摎樂將二千人 卷一百九十八 如命男人及江淮以南樓船十萬師往討之元馬五年 子微弱諸侯力政幾臣不討賊日嘉建德等反自立晏 后首願屬漢封其子廣德為龒侯龍字乃赦天下曰天 亦軍鋒之冠封其子延年為成安侯摎樂其姊為王太 千秋等滅之使人函封漢使節置塞上好為謾辭謝罪 男學妻子術陽侯建德為王而韓千秋兵之入也破數 連 反 發兵守要害處於是天子曰韓千秋雖亡成功 小邑其後粤直開道給食未至番禺四十里男以兵擊

飲食日華公書

支船下瀬將軍出零陵或下離水或抵營梧使 馳義侯 後期與樓船會乃有千餘人遂俱進樓船居前至番 挫粤鋒以數萬人待伏波將軍伏波將軍將罪人道速 秋衛尉路博德為伏波將軍出桂陽下沒水主爵都尉 船將軍將精卒先陷尋愜破石門得專船栗因推而前 因巴蜀罪人發夜郎兵下牂柯江成會番禺六年冬樓 楊僕為樓船將軍出豫章下橫浦故歸義學侯二人為

卷一百九十八

建德嘉皆城守樓船自擇便處居東南面伏波居西北

與粤王同姓聞漢兵至降為隨桃侯及粵揭陽令史定 伏波又問降者知嘉所之遣人追故其校司馬蘇弘得 降漢為安道侯揭 城中皆降伏波吕嘉建德以夜與其屬數百人亡入海 其兵多少伏波乃為營遣使招降者賜印綬復縱 建德為海常侯學郎都稽得嘉為臨察侯蒼梧王趙光 樓船力攻燒敵反歐而入伏波營中歐與建旦 樓船攻敗專人縱火燒城專素聞伏波莫不 海縣粵將畢取以軍降為瞭侯

四十 樓船將軍以推鋒陷堅為將梁侯自尉佗王凡五世 海著梧鬱林合浦交趾九真日南九郡伏波將軍益 三歲而亡 發夜郎兵未下南男已平遂以其地為儋耳珠崖 南諸國漢時通馬大抵在交州南及西南居大海中 海南序畧 餘萬口降為湘城侯戈船下瀬 粤桂林監居翁 卷一百九十 名部 將軍兵及馳義侯 翁監 也 諭告甌駱

時大秦天竺皆由此道遣使貢獻及具孫權遣宣化從 置日南郡其徼外諸國自武帝以來皆獻見後漢桓帝 舉帆道里不可詳知外國諸書雖言里數又非定實也 國自深武隋煬諸國使至踰於前代唐貞觀以後聲教 其西與諸胡國接元門中遣伏波將軍路博德開百專 國因立記傳晉代通中國者蓋勘及宋齊至者有十 事朱應中即康泰使諸國其所經及傳聞則有百數十 洲上相去或五三百里五三千里遠者二三萬里乗船

|崖相類自武帝以來常獻見有明珠玉壁琉璃奇石異 黃支漢時通馬在合浦日南之南三萬里其俗畧與珠 遠被信時所未通者重譯而至又多於深陷馬其無異 物大珠至圍二寸以下而最圓者置之平地終日不停 聞亦不復更記 黄支 哥羅

羅漢時聞馬在槃槃東南亦曰哥羅富沙羅國云其

新定匹庫全書 |

卷一百九十八

畜有牛少馬其俗非有官者不得上髮裹頭又嫁娶初 人執刀賦稅人出銀一銖國無蓋絲麻約唯出吉貝布 征伐皆乗象一隊有象百頭每象有百人衛之象鞍有 問婚唯以檳榔為禮多者至二百盤成婚之時唯以黃 一姓矢利婆羅名米失鉢羅其所治城累石為之城有 闕門有禁衛官室覆之以草國有州二十四而無縣 列儀仗有蠢以孔雀羽飾馬兵器有弓箭刀稍皮甲 爛之中有四人一人執稍一人執弓矢一人執及

林邑本漢日南郡象林縣古越裳界也伏波將軍馬援 罌沈之大海 琶横笛銅銀鐵鼓鼓簧吹蠡擊鼓死亡則焚尸盛以金 金為財多者至三百兩婦人嫁記則從夫姓音樂有琵 金页四月至書 餘里有西圖夷亦稱王馬援所植二銅柱表漢家界處 去日南界四百餘里北接九德郡其南界水步道二百 開南境置此縣其地從廣可六百里城去海百二十里 林邑 卷一百九十八

其云重屠常也 名 パス 水香吉貝者 中 林巖國識姓馬生 邑東分其馬援 作 日 布 沈 斫 **邑東分其馬援** 斷積 與約布 香次浮者枝香也又出 金 大臨 漢處土 北 浦大之林人還 以歳 夜口海南色以留 樹 有屈境國為十 不 則 年 止 五琴又記流餘 殊 名 朽 亦 也 飛 铜道云馬寓户 染成 其華成 狀 柱里銅援號於 燗 而 如 馬記柱樹 日銅 坐 五色 又山雨 10 馬柱 特 節 猩 火 周銅 猩 織 如 獨 又國 十柱 為 有 一獸多琥 在置水 鹅 出 耗 班布 玳 金 形象 山 瑁 抽 如朴 中 珀 沈 其具 石 倚南没 太 旮 松 水 緒 則 盖界馬 赤 香 紡 吉 者 故 之 貝

薩婆地歌其屬官三等其一日倫多姓次歌論致帝次 皮馬初如桃膠凝成乃堅其金寶物産大抵與交趾同 入地千歲為伏苓又千歲為琥珀又云楓脂為之琥珀 並定四庫全書 10111111 以專為城蜃灰塗之居處為陽名曰干蘭皆開北戶以 在地其上及傍不生草木深者或八九尺大如斛削)地伽蘭外官分為二百餘部其長官曰弗羅次曰阿 如收宰之差也書樹葉為紙施椰葉為席男女皆以 日或東西無定尊官有二其一曰西那婆帝其二曰

費男而賤女也同姓還相婚姻使婆羅門引壻見婦握 手相付咒曰吉利吉利然後成禮人性凶悍果於戰 其自死其大姓號婆羅門嫁娶必用八月女先求男由 貴者著革履賤者跳行自林邑扶南諸國皆然也其王 則使象蹋殺之林邑浦外有不勞山罪人亦送此山令 螺擊鼓罩吉貝織以吉貝為確旗國不設刑法有罪者 戴金花冠形如章甫加纓絡如佛像之師出則乗象吹 横幅吉貝統腰以下謂之干漫亦曰都漫穿耳貫小

鼻髮拳色黑以幅中纏身冬月衣袍婦女椎髻四時暄 送之於江男女截髮隨喪至水次盡哀而止其寡婦孤 内金嵬中沈之於海有官者以銅沈之海口展人以五 暖無霜雪王死七日而葬有官者三日庶人一日皆以 煩與中國同每擊鼓以警衆吹蠡以節戎其人深目高 有弓箭刀架以竹為弩傅毒於矢樂有琴笛琵琶五紋 函風屍鼓舞導從舉至水次積新焚之收其餘骨王則

定匹庫全書

老一百九十八

居散髮至老人皆奉釋法文字同於天竺王事竺乾道

范椎奴也當牧牛澗中獲二鯉魚化而為鐵因以鑄刀 破者當王此國進斫石嶂如斷寫豪文心異之范椎當 刀成文對大石嶂而呪之日鯉魚變化冶成雙刀石嶂 獻成康二年范逸死奴文篡位文本日南西卷縣夷帥 外甥范熊代立熊死子逸代立晉武帝太康中始來貢 子曰連殺縣令自號為王子孫相承數世其後王無嗣 鑄金銀人像大十圍後漢末大亂象林縣功曹姓區有

使之商估往來見上國制度至林邑遂教范逸作官室

文N日 日 4 1

中殺之遂齊國人自立以逸妻妾置之高樓從已者納 或徒或奔及逸死無嗣文偽於隣國迅逸子置毒於黎 城邑及兵車器械逸甚爱信之使為將文乃替逸諸子 臺遣夏侯覽為太守侵刻尤甚林邑素無土田貪日南 前後監日南郡嚴握並貪殘諸夷患之穆帝永和三年 建業其書皆胡字時交州刺史姜莊使所親韓戢謝擢 之不從者絕其食於是乃攻大岐界小岐界式僕徐狼 屈都乾魯扶單等諸國并之有衆四五萬人遣使通表 卷一百九十八

中遣使貢獻至義熙中每歲來冠日南九真九德等諸 南文死子佛立猶屯日南征西將軍桓温遣督護膝畋 雄成日南文復滅之進寇九德郡殺害吏民遣使告蕃 天留日南三年乃還林邑交州刺史朱蕃後遣督護劉 九真太守灌邃討之追至林邑佛乃請降孝武帝寧康 **東全事** 郡殺傷甚衆交州遊致虚弱而林邑亦用疲弊佛死子 以日南北境横山為界蕃不許文歸林邑尋復屯日

地肥沃常欲界有之至是因人之怨襲殺覽以其屍祭

邁初在孕其母夢生兒有人以金席籍之其色光麗夷 能容其母與弟捨國而之天竺禪位於其甥國相藏縣 須達死子敵真立其弟敵鎧攜其母出奔敵真追恨不 胡達立上疏貢金盤椀及金缸等物胡達死子須達立 固諫不從其甥立而殺藏麟藏麟子又攻殺之而立敵 同母異父弟曰文敵文敵復為扶南王子當根純所 大臣范諸農平其亂自立為王諸農死子陽邁立陽

人謂金之精者為陽邁若中國云紫磨者因以為名宋

一宗愈伐之和之遣司馬蕭景憲為前鋒陽邁聞之懼欲一 帝念其違傲二十三年使交州刺史檀和之振武将軍 道生帥兵赴討攻區栗城不克乃引還十二年十五年 諸郡交州刺史杜弘文建牙欲討之聞有代乃止八年 子咄立祭其父復曰陽邁元嘉初陽邁侵暴日南九德 十六年十八年每遣使入獻獻既陋薄而寇盗不已文 又寇九德郡入四會浦口交州刺史阮彌之遣隊主桓

永初二年遣使貢方物武帝以陽邁為林邑王陽邁死

敏定四庫全書 逃奔獲其珍異皆是末名之實又銷其金人得黃金數 輸金一萬斤銀十萬斤銅三十萬斤還所界日南户口 將軍大明二年林邑王范神成又遣長史范流奉表獻 建二年林邑又遣長史范龍跋奉使貢獻除龍跋揚武 十萬斤和之後坐事免官病卒見胡神為崇云孝武孝 其大臣毒僧達諫止之乃遣大帥范扶龍戍其北界區 金銀器香布諸物明帝泰豫元年又遣使獻方物齊永 栗城景憲攻城克之乗勝即克林邑陽邁父子並挺身 卷一百九十八

軍級南將軍林邑王六年又遣使貢方物自是迄于陳 髙戍律陀羅跋摩遣使貢獻韶以為持節都督緣海諸 戊勝凱遣使獻方物詔以為持節都督緣海諸軍事綏 氏使命弗絕隋文帝平陳後遣人通表中國既而職貢| 南将軍林邑王大通元年又遣使貢獻二年行林邑王 邑王天凱死子弼毳跋摩立奉表貢獻普通七年王高 奉獻白獮猴詔加持節都督緣海諸軍事威南將軍林 明中范文贊累遣使貢獻梁天監九年文贊死子天凱

坑草覆其上因以兵挑之方與戰偽北梵志逐之其象 多陷轉相驚駭軍遂亂方縱兵擊大破之遊棄城而走 真聽州刺史李量開府秦雄步騎萬餘及犯罪者數千 方入其都獲其廟主十八枚皆鑄金為之蓋其有國十 遣大將軍劉方為驩州道行軍總管率欽州刺史霸長 人擊之其王梵志乗巨象而戰方軍不利方乃多掘土 不至時天下無事朝臣多言林邑多奇實者仁壽末上 新 定 匹 库 全 書

八葉矣方既平其國班師而歸故地遂空梵志收合遺

國馬 定諸葛地既立遣其使可倫因地盤獻火珠狀如水精 扶南在日南郡之南海西大灣中去日南可七千里在 日正午以珠承影取艾衣之而火輕見云得之於羅 乃立頭利之姑子諸葛地者為王以女王妻之其國 民别建國色遣使謝罪唐貞觀中其王范頭利死國 一頭利之女為王女王獨任國中不寧大臣可倫翁定 扶南

林邑西南三千餘里城去海五百里有大江廣十里從 西流東入海其國廣輪三千餘里土地湾下而平博氣 風俗大較與林邑同地出金銀銅錫沈水香象犀 5四庫全書

翠五色鸚鵡又出金鋼可以刻玉狀似紫石英其所生 乃在百丈水底磐石上如鍾乳人沒水取之竟日乃出

以鐵推鏈之而不傷鐵反自損然以羚羊角扣之雀然

冰洋又有老鵬入海化為玳可以截作馬勒謂之珂國

有城邑宫室王居重閣以木栅為城海邊生大岩葉

廣纜六七尺頭尾似魚人皆配黑拳髮文身裸體徒跌 兒或鳥獸或日月其王出入乗象嬪侍亦然王坐則 銀為之所居不穿井數十家共一池汲引之俗事天神 以耕種為務一歲種三歲獲又好雕文刻鏤食器多以 國俗居丧則剃除鬚髮死者有四葬水葬則投之江流 八九尺編其葉以覆屋國人亦為閣居為船長八九丈 翹膝垂左膝至地以白疊敷前設金盆香爐於其 銅為像二面者四手四面者八手手各有所持或小

性貪者男女恣其奔隨國法無牢獄有訟者先齊三日 麗有四足喙長六七尺兩邊有齒利如刀劒常食魚或 乃燒斧極赤令訟者捧行七步又以金録或雞子投沸 獸不食為無罪三日乃放之鰐魚大者長三丈餘狀 溝養鰐魚門外圈猛獸有罪者輟以倭猛獸及鰐魚魚 湯中令探取之若無實者手即爛有理者則否又於城 火葬則焚為灰燼土葬則瘗埋之鳥葬則棄之山野人 卷一百九十八

得麞鹿及人亦皆噉之蒼梧以南及外國皆有之其先

問諸邑令相疑阻因舉兵攻并之混盤沉年九十餘 混潰據扶南生七子分王七邑其後王混盤況以許 混潰納以為妻惡其裸露乃令柳葉穿疊布貫其首馬 扶南外邑柳葉人衆見外國舶至欲却取之混潰引 南有激國人名混潰者善事鬼神夢神賜之弓乗賈 舶 其船穿度一面矢及侍者柳葉大懼舉衆降於混 入海混潰晨起詣神廟果得亏遂依夢乗舶入海 潰

世以女子為王有女王字柳葉年少壯健有似男子且

服屬之自號扶南大王乃作大船窮漲海開國十餘闢 立中子盤盤以國事委其大將范曼盤盤立三年死國 盆定四庫全書 人共舉蔓為王蔓勇健有權器復以兵威攻伐旁國咸

· 曼姊子旃因篡 真自立遣人許金生而殺之 蔓死時有 地五六千里次當代金鄰國蔓遇疾遣太子金生代行 乳下兒名長逃在民間至年二十乃結國中壯士襲殺

旃旃大將范尋又攻殺長而代立具時遣中郎康泰宣

化從事朱應使於尋國國人猶裸唯婦人著貫頭衫泰

法橋陳如死後王持黎陀跋摩宋元嘉中頻遣使貢方 盤扶南人聞之舉國欣戴迎而立馬復改制度用天竺 竺婆羅門也有神語曰應王扶南憍陳如心忧南至盤 武帝太康中尋始遣使貢獻移帝升平元年有竺旃檀 著横幅横幅今干漫也大家乃截錦為之貧者用布晉 應謂曰國中實佳但人褻露可怪耳尋始令國中男子 稱王奉表獻馴象詔以勞費停之其後王橋陳如本天

物齊永明中王橋陳如闍邪跋摩遣使入獻梁天監初

等香普通元年中大通二年大同九年累遣獻方物三 復表送天竺旃檀瑞象婆羅樹葉并火齊珠鬱金蘇合 釋墨質隨使往迎之情時其國王姓古龍遣使至長安 其嫡弟自立十六年遣使竺當抱老奉表貢獻十八年 跋摩復表送珊瑚佛像并珍異物詔授安南將軍扶南 年復獻生犀又言其國有佛髮長一丈二尺韶遣沙門 王自是累遣使入貢二年跋摩死庶子子留陀跋摩殺

唐武德後亦頻入貢真觀中又獻白頭國二人於洛陽

里有五王並羈屬扶南北去扶南可三千餘里其國之 其國交易馬所以然者頓遜廻入海中千餘里漲海無 東界通交州其西界接天竺安息徼外諸國賈人多至 頓遜,梁時聞馬一與在海崎山上地方千里城去海十 云白頭國在扶南之西參半之西南男女生皆素首身 又凝白居山洞之中四面嚴險故人莫至與參半國相 頓遜

涯岸賈舶未嘗得逕過也其市東西交會日有萬餘人! 珍物實貨無種不有又有酒樹似安石榴採其花汁停 · 方四月全書

甕中數日成酒地出藿香挿枝便生葉如都梁以裏衣

國有區操等花十餘種冬夏不衰日載數十車貨之其

花燥更芬馥亦末為粉以傅身馬其俗特多鳥葬人將

以為上行人也云必生天鳥若廻翔不食其人乃自悲

飛來萬許家人避之鳥食肉盡乃去燒其骨沈放海中

死者親賓歌舞送於郭外有鳥口如魏似鸚鵡而紅色|

南方號日長頭王國俗有室屋衣服噉稅米其人言語 神聖國中人善惡及將來事王皆知之是以無敢欺者 傳其王身長丈二尺頭長三尺自古不死莫知其年 毗騫梁時聞馬在頓遜之外大海洲中去扶南八千 生入火又不被鳥食以為下行人也 傷自以為已有穢乃更就火葬以為次行人也若不能 ·異扶南有山出金金露生石上無央限也國法刑· 毗騫

次 己日 · 在 data

一並於王前噉其肉國內不受估容有往者亦殺而噉之 受一升王亦能作天竺書書可三千言說其宿命所出 生死如常人唯王不死扶南王數使與書相報答贈遺 是以商旅不敢至王常樓居不血食不事思神其子孫 與佛經相似並論善事又傳扶南東界即大張海海中 人食器如圓盤又如瓦塩名為多羅受五升又如校者 有大洲洲上有諸薄國國中有馬五洲復東行張海干 卷一百九十八

餘里至自然火洲其上有樹生火中洲左近人刹取其

青黑若小垢冷則投火中復更精潔或作燈炷用之不 皮紡織作布極得數尺以為手中與焦麻無異而色微 干陀利

元年其王瞿曇跋陀羅夢一僧謂曰江表有聖人汝當

王釋婆羅那隣吃遣長史竺留陀獻金銀實器梁天監

出班布吉貝檳榔檳榔特精好為諸國之最宋孝武世

干陀利宋時通馬在南海洲上其俗與林邑扶南畧同

遣使奉禮則土地豐樂不然則境內不得自安陷羅未 **欽定四庫全書** 物使人模寫帝形回校本畫無少異馬後随羅死子毗 於夢中至建點拜覲天子既覺心異之陷羅本工畫乃 樂等普通初復獻方物自後無聞 寫夢中所見武帝容質仍遣使并畫工奉表獻玉盤等 之信也既而又夢此僧云汝既不信我當與汝往觀乃 針邪政摩立十七年遣長史毗員政摩貢金芙蓉雜香 卷一百九十八

歸向之王聞乃加囚執其鎖無故自脫王以為神不敢 帶金環貫耳女子則披布以緩絡繞身其國累磚為城 為干漫其王及貴臣乃加雲霞布以覆髀以金繩為絡 人部立國以來四百餘年後嗣衰弱王族有賢者國人 重門樓閣王出乗象有幡毦旗鼓單白蓋兵衛甚設 同偏多核沈婆律等香其俗男女皆袒而被髮以吉見 二十日行北去廣州二萬四千里土氣物產與扶南界

狼牙脩梁時通馬在南海中其界東西三十日行南北

立天監十四年遣使阿撤多奉表 加害但逐出境遂奔天竺天竺以為賢妻以長女俄而 狼牙脩王死大臣迎還為王二十餘年死子婆迎達多| · 一章 在 · 一

中國之盛夏穀一歲再熟草木常榮海出文螺紫貝有

過赤土丹丹國乃至其國去廣州二月日行國界東西

五十日行南北二十日行有百二十六聚土氣暑熱

婆利梁時通馬在廣州東南海中洲上自交趾浮海南

盖珠簾其尊從吹螺擊鼓國人善投輪刃其大如境中 坐金高座以銀鐘支足侍女皆為金花雜寶之飾或持 著金長冠高尺餘形如弁級以七寶之飾帶金裝飯偏 披吉具如肥及為都漫王乃用班絲者以纓絡繞身頭 有竅外鋒如鋸遠以投人無不中者其餘兵器與中 白毦拂及孔雀扇王出以象駕輿輿以雜香為之施羽 出珊瑚有鳥名舍利解入語其國人皆黑色穿耳附 石名蚶貝羅初採之柔軟刻削為物暴乾之遂大硬海

復遣使珠智獻白鸚鵡青蟲兜鍪琉璃器吉貝螺杯雜 問其先及年數不能記自言白淨王夫人是其國女梁 流水每十一月必設大祭王姓憍陳如自古未通中國 **畧同俗類真臘物産同於林邑其殺人及盜截其手姦** 香樂等數十種隋大業中又遣使入貢其王姓刹利 者鎖其足期年而止祭祀必以月晦用盤貯酒肴浮之 天監十六年遣使奉表獻金席等普通三年其王頻伽 卷一百九十八

伽名護濫鄉婆官曰獨訶耶拏次曰獨訶氏拏唐貞朝

槃槃宗時通馬在南海大洲中北與林邑隔小海自交 中亦遣使朝獻云 槃槃

甚重之其大臣日敦郎濫濫次日崑崙帝也次日崑崙

豎木為柵王坐金龍米每坐諸大人皆兩手交抱肩而

跟版九又其國多有婆羅門自天竺來就王乞財物王

楊德武連以上無得而紀百姓多緣水而居國無城皆

州船行四十日至其國其王曰楊栗翨趙栗翨以上曰

史縣令其矢多以石為蘇稍則以鐵為刃有僧尼寺十 教和版以日崑崙敦帝索甘旦其言崑崙與古龍聲 士不食酒內讀阿脩羅王經其國不甚重之俗皆呼僧 相近故或有謂為古龍者其在外城曰那延猶中夏剌 梁中大通元年其王奉表送佛牙及畫塔并獻沈檀等 為比丘呼道士為貪宗元嘉孝建大明中並遣使貢獻 所僧尼讀佛經皆肉食而不飲酒亦有道士寺一所道

香數十種六年復遣使送菩提國舍利及畫塔菩提樹

赤土隋時通馬扶南之别種也在南海中直崖州之南 水行百餘日而達所都土色多赤因以為號東波羅剌

並隣國女也居僧祇城有門三重相去各百許步每門

位出家為道傳位於利富多塞在位十六年矣有三妻

王姓瞿曇氏名利富多塞不知有國近遠稱其父釋王

國西婆羅娑國南訶羅旦國北拒大海地方數千里其

葉詹糖等香隋大業中亦朝貢於長安

一 飲定四庫全書 或捧金花又飾四婦人容飾如佛塔邊金剛力士之狀 圖畫菩薩飛仙之像懸金花鈴耳婦人數十人或奏樂 有金香爐當前置一金伏牛前樹一寶蓋蓋左右皆有 懸一金光焰夾榻又樹二金鏡鏡前並陳金甕甕前各 朝霞布冠金花冠垂雜寶纓絡四女子立侍左右兵衛 級花王官諸屋悉是重閣北戶北面而坐三重之榻衣 夾門而立門外者持兵仗門內者執白拂夾道垂素網 百餘人王榻後作一木龕以金銀五香木雜鈿之龕後

授壻七日乃配既娶即分財别居唯少子與父居父母 布為衣豪富之室恣意華靡唯金鎖非王賜不得服 甚婆羅門婦人作髻於項後男女通以朝霞朝雲雜色 人其俗皆穿耳翦髮無跪拜之禮以香油塗身敬佛 婚嫁擇吉日女家先期五日作樂飲酒父執女手以

事俱羅末帝一人掌刑法每城置那那迎一人鉢帝

迎羅一人晚擊反除達义二人迎利密迎三人共掌政

寶扇婆羅門等數百人東西重行相向而坐其官薩

部主事王君政等請使赤土帝大悅遣齎物五千段以 隋煬帝時募能通絕域者大業三年屯田主事常駿虞 常温雨多霽少種植無時特宜稻縣白豆黑麻自餘物 皆同唯國王燒記收灰貯以金瓶藏於廟屋氣候冬夏 産多同於交趾以甘蔗作酒雜以紫瓜根酒色黃赤味 頗香美復以椰漿為酒亦皆適口又有雙六雞卜之戲 置上燒香建旛吹靈擊鼓以送火焚薪遂落於水貴賤 兄弟死則剔髮素服就水上構竹為棚棚內積新以屍 女正是 白 1 老一百九十八 遣其子那邪迎請與駁等禮見先遣人送金盤貯香花 島至於亦土之界其王遣婆羅門鳩摩羅以舶三十艘 接又行二三日西望見狼牙脩國之山於是南達雞龍 林邑相對上有神祠馬又南行至師子石自是島嶼連 賜赤土王其年十月駁等自南海郡乘舟晝夜二旬每 來迎吹鑫擊鼓以樂隋使進金鎖纜船月餘至其都王 日遇便風至焦石山而過東南泊陵迦鉢扳多洲西與

并鏡攝金合二枚貯香油金瓶八枚貯香水白疊布四

大國臣非復亦土國王矣後數日請駿等入宴儀衛尊 羅門就館送食以草葉為盤其大方丈因謂駿口今是 坐宣詔託引駭等坐奏天竺樂事畢駿等還館又遣婆 婆羅門二人導路至王宫駿等奉詔書上閣王以下皆 以迎使人并致金盤金花以藉詔函男女百人奏鑫鼓 條以供使者盥洗其日那邪迎又將象二頭持孔雀蓋 五尺上有黃白紫赤四色之餅牛羊魚鼈猪毒瑁之肉 如初見之禮王前設兩牀牀上並設草葉盤方一丈

蓉冠龍腦香以鑄金為多羅葉隱起成文以為表金面 迭奏禮遺甚厚尋遣那那迎隨駿等**貢**方物并獻金美 大院授駁等執或都尉那那迎等官當各有差 北岸達于交趾販以六年春與那那迎於弘農謁帝帝 海水色黃氣腥舟行一日不絕舟人云大魚糞也循海 羣飛水上浮海十餘日至林邑東南並 沒山而行其 封之令婆羅門以香花奏蠡鼓而送之既入海見綠魚 百餘品延駿升批從者於地布席各以金鍾置酒女樂

真臘隋時通馬在林邑西南本扶南之屬國也去日南 大城三十所城有數千家各有部帥官名與林邑同其 刹利名質多斯部自其祖漸以殭盛至質多斯部遂兼 王三日一聽朝坐五香七寶牀上施寶帳以文木為学 城郭下二萬餘家城中有一大堂是其王聽政之所總 扶南而有之質多斯那死子伊奢那先代立居伊奢那 郡舟行六十日而至南接車渠國西有朱江國其王姓 **敏定四庫全書** 真臘

服白疊以象牙為屬若露髮則不加纓絡臣下服制 象牙金鈿為壁狀如小屋懸金光焰有同於赤土前 多陵四日舍摩陵五日髯羅婁及諸小臣朝於王者輕 於階下三稽首王呼上階則跪以兩手抱膊遶王環坐 金香案命二人侍側王著朝霞吉貝縵絡腰腹下乖 議政事記跪伏而去階庭門閣侍衛有干餘人被甲持 頸頭戴金寶花冠被真珠纓絡足履草展耳懸金擔 相類有五大臣一曰孤落支二曰相高憑三曰沒分

| 飲定四庫全書 **仗其國與然半朱江二國和親數與林邑随桓二國爭** 正妻子不得為嗣王初立日所有兄弟並刑殘之或去 戰其人行止皆持兵仗若有攻伐因而用之其俗非 讀誦經呪又深洒乃食食罷還用楊枝淨齒又讀經 類赤土以右手為淨左手為穢每旦澡洗以楊枝淨齒 黑婦人亦有白者悉拳髮垂耳性氣提勁居處器物頗 飲食多酥酪沙糖杭栗米餅飲食之時先取雜肉羹與 指或劇其鼻皆别處供給不得仕進人形小而色 卷一百九十八

送之以五香木燒屍收灰以金銀瓶盛送大水之內貧 十日不食剔髮而喪僧尼道士親故皆來聚會作音樂 獸食之其國北多山阜南有水澤地氣尤熟無霜雪饒 者或用瓦而以五采畫之亦有不焚屍送之山中任 兒未婚者以餘財與之若婚畢財物入官喪葬兒女皆 夜燃燈不息男婚禮畢即與父母分財別居父母死小 輕宜深稻少黍栗果菜與日南九真相類異者|

通志

飯相和手搏而食之婚嫁者男女二家各八日不出去

大實似字其大如升自餘多同九真海中有魚名建同 葉實並似聚而小其歌畢化花樹似林禽葉似榆而厚 六月中毒氣流行即以白猪白牛羊於城西門外祠之 實似李毗野樹花似木瓜葉似杏實似楮婆田羅樹花 有婆羅那娑樹無花葉似神實似冬瓜養羅花葉似棗 不然五穀不登畜多死人疾疫近都有陵迎鉢婆山上 似無觜如鸚鵡有八足多大魚半身出親之如山每五 四足無鱗鼻如象吸水上噴高五六十尺有浮胡魚形 定四庫全書 | 卷一百九十八

羅利隋時通馬在婆利之東其人極陋朱髮黑身獸牙 隋大業中遣使貢獻楊帝禮之甚厚唐武德六年亦奉 敬鬼如此多奉佛法尤信道士佛及道士並立像於館 用人肉其王年别殺人以夜祠禱亦有守衛者千人其 鷹爪時與林邑人作市郵以夜畫日則掩其面場帝大 表貢方物 羅刹

有神祠每以兵二千人守衛之城東有神名婆利多祭

業三年遣使常販等使赤土經其國馬 外人居可萬餘家王宿衛百餘人每臨朝則衣朝霞冠 屋以瓦並為閣而居屋壁皆彩畫之城內皆王宫室城 水行百日至其國王姓投和羅名脯邪迄遥治數城覆 投和隋時聞馬在南海大洲中真臘之南自廣州西南 金冠耳挂金螺頸挂金涎衣足履實裝皮履官屬有朝

定四庫全書

請將軍總知國政又有祭軍功曹主簿城局金威將軍

赞治赞府等官分治文武又有州及郡縣州有祭軍郡 政事刑法盜賊重者死輕者穿耳及鼻并鑽屬私鑄銀 有金威將軍縣有城局其為長官初至各選官僚助治 髮為孝其國市六所貿易皆用銀錢小如榆英有佛道! 祀哭泣又焚屍以置盛之沈於水中若父母之喪則截 轡唯以繩穿頰為之節制音樂則吹鑫擊鼓死喪則祠 商為業國人乘象及馬一國之中馬不過千匹又無鞍 錢者截腕國無賦稅俱隨意貢奉無多少之限多以農

摩其屋以草覆之王所坐楊圓如佛塔以金飾之門皆 有學校文字與中夏不同訊其者老云王無始名齊杖 新定四庫全書 | 丹丹隋時聞馬在羅摩羅國西北振州東南張州 東開坐亦東向唐貞觀中遣使奉表以金函盛之又獻 統領王每晨夕二時臨朝其大臣八人號曰八座並以 王姓利利名尸陵迎治所可二萬餘家亦置州縣 金榼金釘寶帶犀象海物數十品 丹丹


鴨麞鹿鳥有越鳥孔雀果城有蒲萄石榴瓜瓠等 銀白檀蘇方木檳榔其穀唯稻畜有沙牛羖羊猪雞 如朝霞足履皮履近則乘輿遠則馭象其攻伐則內 鼓兼有幡旗其刑法盜賊無多少皆殺之土出金 -軍拘利一年比萬皆隋時聞馬自は


羅門為之王每以香粉塗身冠通天冠挂雜寶纓

生千歲根本甚大伐之四五年木皆朽敗惟中節堅固 同其人多白色都昆出好核香藿香及流黄其藿香樹 南渡金隣大灣南行三千里有此四國其農作與金隣 **新定四庫全書** 杜薄 卷一百九十八


芬香獨存取以為香 其國人貌白哲皆有衣服國有稻田女子作白疊華 隋時聞馬在扶南東漲海中直渡海數十日而至

地出金銀鐵以金為錢出雞舌香可含不入衣服雞舌





草木葉落如中國寒時人以三月至此山取木皮績為 薄國西有山周三百里從四月火生正月火減火然則 得火則皮白諸左右州人以春月取其木皮績以為布 或作燈炷布若小穢投之火中使潔又有加營國在諸 息火中有白鼠扶南土俗傳云火洲在馬五洲之東可 干餘里春月霖雨雨止則火然洲上林木得雨則皮黑





腾绿监生 追 納總校官庶吉士臣侍 朝